



მემორანდუმი თანამშრომლობის შესახებ

სსიპ „ილიას სახელმწიფო უნივერსიტეტი“ და ა(ა)იპ „ინფორმაციის თავისუფლების განვითარების ინსტიტუტი“ შორის

ქ. თბილისი

10 იანვარი, 2024 წელი

ერთი მხრივ, ა(ა)იპ „ინფორმაციის თავისუფლების განვითარების ინსტიტუტი“ (შემდგომში – „ინსტიტუტი“), წარმოდგენილი მისი აღმასრულებელი დირექტორის, გიორგი კლდიაშვილის სახით, და, მეორე მხრივ, სსიპ „ილიას სახელმწიფო უნივერსიტეტი“ (შემდგომში – „უნივერსიტეტი“), წარმოდგენილი მისი რექტორის, ნინო დობორჯინიძის სახით,

„ინსტიტუტი“ და „უნივერსიტეტი“ ინდივიდუალურად, ასევე მოხსენიებული, როგორც „მხარე“, ხოლო ერთობლივად, როგორც „მხარეები“, გამოხატავენ რა მზადყოფნას, გააგრძელონ 2020 წლის 30 სექტემბერს მხარეებს შორის გაფორმებული „თანამშრომლობის შესახებ“ მემორანდუმის საფუძველზე დაწყებული თანამშრომლობა კორუფციასთან ბრძოლის თვალსაზრისით საზოგადოებრივი ცნობიერების ამაღლების მიზნით და ხელი შეუწყონ კორუფციის პრევენციასთან, კორუფციული რისკების იდენტიფიცირებასა და კორუფციულ ფაქტებზე ეფექტიან რეაგირებასთან დაკავშირებულ საკითხებზე სტუდენტების, სახელმწიფო, არასამთავრობო და ბიზნესსექტორების წარმომადგენელთა ცოდნისა და უნარ-ჩვევების განვითარებას/გაღრმავებას, თანხმდებიან შემდეგზე:

მუხლი I. თანამშრომლობის ფარგლები

- 1.1. მემორანდუმი მიზნად ისახავს კორუფციასთან ბრძოლის შესახებ აკადემიური კურსების (შემდგომში – აკადემიური კურსები) შემუშავებას და მათ შეთავაზებას მეცნიერებათა და ხელოვნების ფაკულტეტის საბაკალავრო საფეხურის საგანმანათლებლო პროგრამის „პოლიტიკის მეცნიერება (ძირითადი და დამატებითი სპეციალობა)“ და სამაგისტრო საფეხურის საგანმანათლებლო პროგრამების: „საჯარო პოლიტიკის ადმინისტრირება“, „პოლიტიკის მეცნიერება და საერთაშორისო ურთიერთობები“ ფარგლებში. აკადემიური კურსების მიზანია საბაკალავრო და სამაგისტრო პროგრამების სტუდენტები აღჭურვოს კორუფციის რისკების მართვის მენეჯმენტის ცოდნით.
- 1.2. მემორანდუმი ითვალისწინებს თითოეულ აკადემიურ კურსზე სპეციალური კონკურსის შედეგად შერჩეული გარე კანდიდატების, სხვა უნივერსიტეტების სტუდენტთა, საჯარო მოხელეთა, ბიზნეს და არასამთავრობო სექტორების წარმომადგენელთა მოწვევას ამ მემორანდუმით დადგენილი კვოტების მიხედვით.
- 1.3. მემორანდუმი მიზნად ისახავს მხარეთა შორის პარტნიორული ურთიერთობის განმტკიცებას კორუფციასთან ბრძოლის აკადემიური კურსების შექმნისა და განვითარების მიზნით. აკადემიურ კურსებში მონაწილეობისა და დასწრების შესაძლებლობა ექნებათ

მუხლი II. ზოგადი დებულებები

- 2.1. მემორანდუმი ხელს შეუწყობს მხარეთა ურთიერთობის კოორდინაციას პროგრამით განსაზღვრული აქტივობების დაგეგმვის, მათი განხორციელებისა და შეფასების ეტაპებზე.
- 2.2. მხარეები იღებენ პასუხისმგებლობას, იმოქმედონ მემორანდუმის პირობებისა და მემორანდუმის საფუძველზე გაფორმებულ სხვა ხელშეკრულებათა შესაბამისად.
- 2.3. მხარეები აცხადებენ მზადყოფნას, ხელი შეუწყონ ერთმანეთს პროგრამით განსაზღვრული აქტივობების განხორციელების პროცესში, მათ შორის პერიოდული და თემატური კომუნიკაციის გზით.

მუხლი III. კორუფციასთან ბრძოლის აკადემიური კურსების განხორციელების თავისებურებები

მხარეები თანხმდებიან შემდეგზე:

- 3.1. აკადემიური კურსები შეიქმნება მეცნიერებათა და ხელოვნების ფაკულტეტის საბაკალავრო საფეხურის საგანმანათლებლო პროგრამისთვის „პოლიტიკის მეცნიერება (ძირითადი და დამატებითი სპეციალობა)“ და სამაგისტრო საფეხურის საგანმანათლებლო პროგრამებისთვის „საჯარო პოლიტიკის ადმინისტრირება“ და „პოლიტიკის მეცნიერება და საერთაშორისო ურთიერთობები“.
- 3.2. საბაკალავრო პროგრამისთვის „პოლიტიკის მეცნიერება (ძირითადი და დამატებითი სპეციალობა)“ შეთავაზებული იქნება შემდეგი კურსები: „კარგი მმართველობა და კორუფცია“ და „საჯარო პოლიტიკა და კორუფცია“.
- 3.3. სამაგისტრო პროგრამებისთვის „საჯარო პოლიტიკის ადმინისტრირება“ და „პოლიტიკის მეცნიერება და საერთაშორისო ურთიერთობები“ შეთავაზებული იქნება შემდეგი კურსები: „ანტიკორუფციული პოლიტიკის მართვა საჯარო და კერძო დაწესებულებებში“ და „კორუფციასთან ბრძოლა – საერთაშორისო აქტორები, ანტიკორუფციული პლატფორმები“.
- 3.4. აკადემიური კურსები სრულ შესაბამისობაშია შესაბამის საფეხურებზე კურსების დამტკიცების შიდასაუნივერსიტეტო ხარისხის სტანდარტებთან. აკადემიური კურსების სახელწოდება და სილაბუსი შეიძლება შეიცვალოს ილიას სახელმწიფო უნივერსიტეტის ხარისხის მართვის სამსახურის რეკომენდაციების საფუძველზე.
- 3.5. პროგრამის თითოეულ აკადემიურ კურსს ეყოლება 50-მდე მონაწილე. თითოეულ აკადემიურ კურსში ილიას სახელმწიფო უნივერსიტეტის მეცნიერებათა და ხელოვნების ფაკულტეტის სტუდენტების რაოდენობა არ უნდა აღემატებოდეს 26 სტუდენტს. თითოეულ აკადემიურ კურსში სპეციალური კონკურსის შედეგად შერჩეული გარე კანდიდატების – სხვა უნივერსიტეტების სტუდენტთა, საჯარო მოხელეთა, ბიზნეს და არასამთავრობო სექტორების წარმომადგენელთა – რაოდენობა არ უნდა აღემატებოდეს 24 მონაწილეს. იმ შემთხვევაში, თუ რომელიმე მხარისთვის განკუთვნილი კვოტა არ შეივსება, მხარეები ერთობლივად განიხილავენ სტუდენტთა რაოდენობების ცვლილების საკითხს.
- 3.6. საბაკალავრო კურსებზე შესაძლებელი იქნება სპეციალური კონკურსის შედეგად შერჩეული სხვა უნივერსიტეტების საბაკალავრო საფეხურის სტუდენტების მოწვევა.
- 3.7. სამაგისტრო კურსებზე შესაძლებელი იქნება სპეციალური კონკურსის შედეგად შერჩეული სხვა უნივერსიტეტების მაგისტრანტების ან მაგისტრანტურისა და ბაკალავრიატის კურსდამთავრებულების, საჯარო, ბიზნეს და არასამთავრობო სექტორების წარმომადგენლების მოწვევა.
- 3.8. ილიას სახელმწიფო უნივერსიტეტის სტუდენტები, რომლებიც აირჩევენ მემორანდუმით გათვალისწინებულ ორივე კურსს (საბაკალავრო ან სამაგისტრო კურსებს) სემესტრული ბადით გათვალისწინებული წესით, აღნიშნული კურსების წარმატებით (81-დან 100 ქულა) გავლის შემთხვევაში კრედიტების (ECTS) მოპოვების გარდა მიიღებენ მხარეთა მიერ ერთობლივად გაცემულ სერტიფიკატს.
- 3.9. კორუფციასთან ბრძოლის სასერტიფიკატო პროგრამის მონაწილეები, გარდა ილიას სახელმწიფო უნივერსიტეტის მეცნიერებათა და ხელოვნების ფაკულტეტის სტუდენტებისა, პროგრამის წარმატებით გავლის შემთხვევაში მიიღებენ მხარეთა მიერ გაცემულ ერთობლივ სერტიფიკატს.
- 3.10. პროგრამის მონაწილეებს მხარეები შეარჩევენ ერთობლივად, ერთობლივი განცხადების

მონაწილეების შერჩევაში მონაწილეობას მიიღებს მეცნიერებათა და ხელოვნების ფაკულტეტის შესაბამისი საფეხურის აკადემიური პერსონალი.

3.11. აღნიშნული აკადემიური კურსები ხორციელდება ორი სემესტრის განმავლობაში.

მუხლი IV. მხარეთა შორის ურთიერთობები

4.1. მემორანდუმის განხორციელების პროცესში ინსტიტუტი:

- უნივერსიტეტთან ერთად შეიმუშავებს აკადემიურ კურსებს უნივერსიტეტში არსებული შესაბამისი მოთხოვნებისა და სტანდარტების გათვალისწინებით;
- კურსის ეფექტიანად აღმინისტრირების მიზნით გამოყოფს კოორდინატორს, რომელიც აწარმოებს კომუნიკაციას უნივერსიტეტის საკონტაქტო პირთან, პროგრამის ლექტორებთან, პროგრამაში მონაწილეობის მსურველ კანდიდატებსა და პროგრამის მონაწილეებთან;
- უზრუნველყოფს პროგრამის შესახებ ინფორმაციის გავრცელებას საკუთარი შესაძლებლობების ფარგლებში;
- უზრუნველყოფს სასწავლო მასალის მომზადებასა და ბეჭდვას;
- უზრუნველყოფს კურსის მონაწილეთა შერჩევის პროცესის აღმინისტრირებას ილიას სახელმწიფო უნივერსიტეტის აკადემიური პერსონალის ჩართულობით;
- შესაბამის ფაკულტეტსა და პროგრამების ხელმძღვანელებთან ერთობლივი კოორდინაციით უზრუნველყოფს კურსის ლექტორების შერჩევას და მათი შრომის ანაზღაურებას;
- უზრუნველყოფს ერთობლივი სერტიფიკატების დამზადებას;
- მონაწილეობს მონაწილეთა სერტიფიკატებით დაჯილდოების ცერემონიის ორგანიზებაში;
- უნივერსიტეტთან ერთად დაჯილდოების შემდეგ განიხილავს პროგრამის განხორციელების შედეგებს, გამოავლენს პროგრამის სუსტ და ძლიერ მხარეებს.

4.2. მემორანდუმის განხორციელების პროცესში უნივერსიტეტი:

- ინსტიტუტთან ეფექტიანი ურთიერთობისთვის გამოყოფს საკონტაქტო პირს, რომელთან კომუნიკაციასაც აწარმოებს პროექტის მენეჯერი ძირითადად ლოგისტიკურ საკითხებთან დაკავშირებით;
- უზრუნველყოფს პროგრამის შესახებ ინფორმაციის გავრცელებას საკუთარი შესაძლებლობების ფარგლებში;
- უზრუნველყოფს შესაბამისი პროგრამის აკადემიური პერსონალისა და საკონტაქტო პირის ჩართულობას კურსის მონაწილეთა შერჩევის პროცესში;
- უზიარებს ინსტიტუტს ინფორმაციას, რომელიც საჭიროა საბაკალავრო და სამაგისტრო საგანმანათლებლო პროგრამების ფარგლებში აკადემიური კურსების შესაქმნელად და შემდგომში დასამტკიცებლად;
- გამოყოფს ინვენტარით აღჭურვილ სალექციო ოთახს, რომელიც კეთილმოწყობილია და გათვალისწინებულია ერთდროულად 50 მონაწილეზე;
- პროგრამის გარე მონაწილეებისთვის უზრუნველყოფს წვდომას საგანმანათლებლო სივრცეზე (შენობაზე);
- მონაწილეთა სერტიფიკატებით დაჯილდოების ცერემონიისთვის გამოყოფს შესაბამის საუნივერსიტეტო სივრცეს და უზრუნველყოფს უნივერსიტეტის ხელმძღვანელობის მონაწილეობას;
- ინსტიტუტთან ერთად დაჯილდოების შემდეგ განიხილავს პროგრამის განხორციელების შედეგებს, გამოავლენს პროგრამის სუსტ და ძლიერ მხარეებს.

მუხლი V. მემორანდუმის ძალაში შესვლა და მოქმედების დასრულება

5.1. მემორანდუმი ძალაში შევა მხარეთა მიერ მისი ხელმოწერის მომენტიდან და მოქმედებს 5 წლის ვადით.

5.2. მემორანდუმის მოქმედება წყდება რომელიმე მხარის მიერ გამოთქმული ინიციატივის საფუძველზე მეორე მხარის ინტერესების გონივრული გათვალისწინებით. მემორანდუმის მოქმედების შეწყვეტისათვის მხარემ უნდა დაიყვას მინიმუმ ოცდაათდღიანი (30 კალენდარული დღე) შეუყობინების ვადა.

მუხლი VI. ზოგადი დებულებები

- 6.1. მხარეთა შორის წარმოშობილ გაურკვევლობათა შემთხვევაში, რაც გულისხმობს ასევე მემორანდუმით გათვალისწინებული ვალდებულებების ნაწილობრივ ან სრულად შეუსრულებლობას, მხარეები მაქსიმალურად უნდა ეცადონ მოლაპარაკებების გზით მოაგვარონ გაურკვევლობა. მოლაპარაკებების შეუძლებლობის შემთხვევაში მხარეები ვალდებული არიან, სრულად შეასრულონ პროგრამის მონაწილეთა მიმართ ნაკისრი ვალდებულებები.
- 6.2. მემორანდუმი ხელმოწერილია თანაბარი იურიდიული ძალის მქონე ორ ეგზემპლარად ქართულ ენაზე, რომელიც ინახება მხარეებთან.
- 6.3. მემორანდუმის საფუძველზე წამოჭრილი ნებისმიერი დავა და უთანხმოება წყდება მოლაპარაკებების გზით. იმ შემთხვევაში, თუ დავა ვერ გადაწყდება საკითხის დასმიდან 30 კალენდარული დღის განმავლობაში, მხარე უფლებამოსილია მიმართოს სასამართლოს.
- 6.4. კორესპონდენცია მემორანდუმის განხორციელებასთან დაკავშირებით უნდა განხორციელდეს წერილობით შემდეგ მისამართებზე:

მხარეთა რეკვიზიტები და ხელმოწერები

„უნივერსიტეტი“

სსიპ „ილიას სახელმწიფო
უნივერსიტეტი“

საიდენტიფიკაციო ნომერი: 204861970

მის.: ქ. ჩოლოყაშვილის გამზ. N3/5

ქ. თბილისი, 0162, საქართველო

სსიპ „ილიას სახელმწიფო უნივერსიტეტი“
რექტორი

ნინო დობორჯგინიძე

ხელმოწერა

თარიღი



„ინსტიტუტი“

ს(ა)იპ „ინფორმაციის თავისუფლების
განვითარების ინსტიტუტი“

საიდენტიფიკაციო ნომერი: 204569617

მის.: ალ. გრიბოედოვის ქ. N3

ქ. თბილისი, 0108, საქართველო

ს(ა)იპ „ინფორმაციის თავისუფლების
განვითარების ინსტიტუტი“
აღმასრულებელი დირექტორი
გიორგი კლდიაშვილი

ხელმოწერა

თარიღი

